

دائرة مخصوصه

درسعادتده باب على جوارنده

محل اداره :

مشرط القلم

اخطار :

مسلكمزه موافق آثار جديده مع المنوئيه
قبول اور انور

درج ابدله بن آثار اعاده اور انور

دينه، فلسفه، علوم، حقوق، ادبيات، سياسيات، وبالخاصه كرك سياسى وكرك اجتماعى ومردنى احوال وشئون اسلاميه ودينى تحت ايدى ولطفه ده بر نشر اور انور.

آبونه بدلى

سنه لكى

التى آيلنى

ممالك عثمانيه ايجون ۸۰

روسيه » ۶۰۰

سائر ممالك اجنبيه » ۱۷

۴۰ غروش

۳۰۰ روبله

۹ قرانق

تاريخ تأسيسى

۱۰ تموز ۳۲۴

صاحب ومؤسلى :

ابوالعلا زين العابدين - ح . اشرف اديب

درسعادتده نسخه سى ۵۰ پاره در

قبرله دن مقوا بورو ايله كوندريلىر سه سنوى

۲۰ غروش فضله آلير

عدد : ۷۳

۱۵ مجرم ۳۲۸ پنجشنبه ۱۴ كانون ثانى ۳۲۵

اوچنچى جلد

ایندیور، سز اداره مملکت قاعده سنی بیلمه یورسکنز، بزه و یریکز، بز اداره ایده لم، سزده معاش ویره لم. « دهرک هان تسلط ایتکده ایمش. اما انکلیز اداره سنه دائر هیچ بر سوز سویلک جائز دکدر، بلکه بالعکس انکلتزه اداره سی شویله ای بویله ای دیه بر طاقم مدح و ستایشده بولنق لازم کلیر.

ایشته حریت مطبوعاتک درجه سی! خرسیتان مذهبته اطاله لسان ایتک ایچون ده بر درجه وارد.

اما اسلامیه و دیگر مذهبیه نه قدر اوزون ونه قدر زیاده اطاله لسان اولنورسه اوقدر مقبول و میدان اوقدر آچیکدر، اگر بر آدم یکیدن بر مذهب دعوا ایدرده میدانه چیقارسه، نه کی مذهب اولورسه اولسون، یالکز افتراق ملته سبب اولدیغندن میدان آچیکدر.

بوندن بر قاق سنه مقدم لاهور قربنده قادیان قریه سنده «علام احمد» نامنده بری ظهور ایدرک، نبوت دعوا ایتش، کندیسی بکه ن عیسی اولدیغنی ادعا ایتش، عاقبت کندی جهنمه کیتش ایسه ده مذهبی باقی، و نورالدین نام خلیفه سی ده موجوددر. الا ن قرق بیک قدرده تبعه سی وارمش، بونلرکده اساس مذهبیه احکام قرآنییه کاملاً انکار ایتک مش. و بونلردن بشقه هندیلر آراسنده دخی مذا هب تجدد ایتکده در. (آری) مذهبی دخی تجدد ایتشلر، بونلرک هپسی خصوصی رساله لر وغزته ستونلرنده مقاله لر ایله هپ بری برینه هجوم ایتکده ایتشلر. مذهب جو غالدقچه حکومتک جاننه جان قوشیلیور.

فقط انکلیزلرک مسجدلره تسلطنه کلنجه «احمد ناغار» مسجدلری کی آثار عتیقه نمونه لری اولان مساجد و قبور اولایی عسکر ایچون قشله، ایام صیفده بعض مسجدلری مادامه لری تنفس خانه، تنزه خانه اثخاذ ایده کلرکی حالده بونک حقنده یرلی مطبوعاتک برکله سوز سویله مک حقی یوقدر. احمد ناغار مسجدی بوندن درت یوز سنه مقدم بنا اولمش، اصول مماریه سی آوروپا مهندس لرینک دخی نظر دقتی جانب ایتش آثار عتیقه دندر. جانب به محل، صلوات خان ناملری ایله مشهور مقامات مقدسه اسلامیه الا ن انکلیز ضابطلری ایچون سفاهت خانه در، لکن بونک حقنده هر کیم بر سوز سویلرسه، اجلسز اولدم دیمکدر، دکل هندلی بر آدم ایچون، حتی اجنبی اولسه بیله، هندستانده بولندقچه بر سوز سویله مک حقی یوقدر. اگر نیم بویاز دقلومی بیلسه لر نعوذ بالله... حالا یالکز محرر اولدیغمی بیلیکلری ایچون نه قدر تعذیب ایتکده درلر، هر کون آرقامده اوچ بش خفیه دولاشمقده اولدیغنی بوندن مقدم یازمشدم.

ایشته یکرمنجی عصره موافق حریت مطبوعات!

یوقاروده مذکور احمد ناغار مسجدلری حقنده برچوق هندلی لره صوردم: نه ایچون بیت الله اولان مساجدک بوصورتله تحقیر اولمسنه رضا کوستریورسکنز؟ نه ایچون بونلری مطبوعات عالمنه چیقارمیورسکنز؟ عوامک بویله بر مسجدک وجودندن بیله خبری یوق. خواص ایسه: امان بویله شیلری سویله مه یکز، دیرلر. بوندن بشقه بوبابده اظهار اسف ایدن یاخود بر سوز سویله ین آدم کورمدم. هندستان

خلق حقنده حریت دائر شونی ده عرض ایتک ایسترم:

هندستانده ایستر عسکر، ایستر پولیس ایکی درلودر: بیاض و سیاه تعبیر اولنورلر. بیاضلر انکلیزلردر، رتبه سی آشانی اولسه بیله آمردر. سیاهلر یرلی هندیلردر. مسلم غیر مسلم هپسی مساوی. ایشته شو پولیسلر النده ایکی درلو سلاح بولنور: بری برچوق آرشون طولنده قامیش صوبا.. دیگری یاریم آرشون طولنده قالین دیمر کی آغیر خصوصی یایش صوبادر که اگر بوصوبا ایله اوره حق اولورسه هیچ شبهه سز اولومدر، فقط بن بوصوپانک محل استعمالی کورمدم. اما برنجی اوزون صوبا هر کون هر یرده مستعملدر. خصوصاً مسجدنرده رمضان شریفده زنکیلرک زکات و یرمی زماننده بولمایدق بک مبذولدر. بن کندم بومباید بولندیغ زمان (مناره مسجدی) نام مسجد داخلنده، مبارک رمضان شریفک ۲۸ نجی کونی افطاردن اون دقیقه اول ایدی ایکی پولیس شو اوزون صوبا ایله بیاض صفاللی بر اختیار ی دو کدیلر، یتش یاشنده اولان بیچاره آدمجیز جان آجیسنندن تحمل ایده میوب کندیی مدافعه ایتکده ایدی.

صکره بعض آدملر آرایه کیروب بیچاره یی قورتاردیلر. بن وقعه یی بالذات کندم کیدوب ایرتسی کونی سر قومیسره سویله دم. ظن ایدردم: هیچ اولمازسه مسجدده کی پولیسلره تنبیه ایدرده مسجد داخلنده بویله حرکت مانع اولور. حالبوکه سر قومیسر بنم تعجب ایتدیکه تمجب ایلدی، بوایه آنلرده امور عادیه دن ایمش.

صکره «بمی» غزته سی اداره سنه کیتدم، اوراده وقعه حالی کمال تعجب و تأسف ایله سویله دم. غزته صاحبی دیدی: - بز پولیس اداره سی علیهنده قطعاً بر سوز یازمه یاز... ایشته حریت مطبوعات!

بن شیمدی هندستاندن حجازه عزیمت ایدیورم، اما هندستان حقنده برچوق حقایق صرده سی کلنجه عالم مطبوعات وضع ایده جکم. شمدی ده حجاز و موسم حقنده مفصل معلومات ویره جکم خصوصاً هندستان حاجیلری حقنده و انکلتزه حکومتک حاجیلره معامله سی حقنده تفصیلات آتیله کله جکدر.

عبد الرشید ابراهیم عدن

بخارا ده سنیلرله شیعیلر

پترسبورغدن ۳۴ کانون ثانی تاریخیه کشیده قلنان برتلغرافامه مآلنه کوره بخارا شهرنده سنیلر ایله شیعیلر آراسنده ایکی کون بک قانلی مصادمه لر وقوع بولمشدر. بخارا حکومتک طلبی اوزرینه آسایشی اعاده ایتک اوزره بر روس مفرزه سی سوق ایدلشددر.

«مطبعة خیریه» و شرکاسی مدیر مسئول: اشرف ارباب